



Broj: 01-3-1620
Sarajevo, 13.09.2021. godine

Na osnovu člana 147. Zakona o srednjem obrazovanju Kantona Sarajevo ("Službene novine Kantona Sarajevo", broj: 23/17, 30/19 i 33/21), a u vezi sa Metodološkim uputstvom za prevenciju i kontrolu infekcije SARSCoV 2 i oboljenja Covid 19 u osnovnim i srednjim školama te akta Ministarstva za odgoj i obrazovanje Kantona Sarajevo, broj: 11-34-32912-2/21 od 9.09.2021. godine, v.d. direktor *donosi*

ODLUKU

1. Imenuje se **ASOTIĆ NERMINA** za koordinatora za poslove provođenja i nadzora nad provođenjem preporuka JU Zavoda za javno zdravstvo Kantona Sarajevo i Ministarstva za odgoj i obrazovanje Kantona Sarajevo.
2. Koordinator tima je član tima za praćenje implementacije Kriznog plana pripravnosti mjere u vezi sa prevencijom širenja bolesti Covid 19 JU Srednja mašinska tehnička škola Sarajevo.
3. Odluka stupa na snagu danom donošenja

Dostaviti:
1. Oglasna ploča x2
2. a/a

v.d. direktor:

Čupović Faruk dipl.ing.maš.



Broj: 01-3-1621
Sarajevo, 13.09.2021. godine

Na osnovu preporuka Zavoda za javno zdravstvo FBiH od augusta 2021. godine, Priručnika za organizaciju i realizaciju odgojno-obrazovnog procesa u okolnostima pandemije COVID-19 izdat od Ministarstva za odgoj i obrazovanje Kantona Sarajevo od jula 2021. godine, zatim naredbi, mjera i zaključaka Vlade Kantona Sarajevo, člana 147. Zakona o srednjem obrazovanju („Službene novine Kantona Sarajevo“ broj 23/17, 30/19, 33/21), v.d.direktor JU Srednja mašinska tehnička škola Sarajevo donosi:

RJEŠENJE

o imenovanju operativnog tima za praćenje implementacije kriznog plana Javne ustanove Srednja mašinska tehnička škola Sarajevo u vrijeme epidemije

1. Formira se operativni tim za praćenje implementacije kriznog plana JU Srednja mašinska tehnička škola Sarajevo u vrijeme epidemije Covid – 19, u sastavu:

1. **Asotić Nermina, nastavnik**
2. **Grbić Alma, nastavnik**
3. **Osmanagić Lejla, psiholog škole**
4. **Ajdin Amra, nastavnik i**
5. **Lagumdžija Haris, nastavnik**

2. Operativni tim za praćenje implementacije kriznog plana iz stava I ovog Rješenja ima slijedeća prava i dužnosti:

- učešće u izradi i evaluaciji kriznog plana ove Javne ustanove;
- učešće u analizi potrebne dokumentacije koja se odnosi na proces rada ove Javne ustanove;
- praćenje implementacije Uputstva o organizaciji i realizaciji odgojno-obrazovnog procesa;
- učešće u procjeni rizika u skladu sa epidemiološkom situacijom;
- saradnja sa svim organizacionim jedinicama u provođenju kriznog plana ove Javne ustanove.

3. Prava i obaveze imenovanih iz stava I ovog Rješenja počinju teći od 13.09.2021. godine.

Obrazloženje

Na osnovu preporuka Zavoda za javno zdravstvo FBiH od augusta 2021. godine, Priručnika za organizaciju i realizaciju odgojno-obrazovnog procesa u okolnostima pandemije COVID-19 izdat od Ministarstva za odgoj i obrazovanje Kantona Sarajevo od

jula 2021. godine, zatim naredbi, mjera i zaključaka Vlade Kantona Sarajevo, člana 147. Zakona o srednjem obrazovanju („Službene novine Kantona Sarajevo“ broj 23/17, 30/19, 33/21), propisano je da organ rukovođenja - direktor ustanove imenuje operativni tim za praćenje implementacije kriznog plana Javne ustanove Srednja mašinske tehnička škola Sarajevo u vrijeme epidemije Covid – 19 u skladu sa Smjernicama JU Zavoda za javno zdravstvo Kantona Sarajevo. Zadatak operativnog tima je da pripremi krizni plan JU Srednja mašinska tehnička škola Sarajevo u vrijeme epidemije Covid – 19, prikupi i analizira potrebnu dokumentaciju koja se odnosi na funkcioniranje ustanove, a koja predstavlja osnov za procjenu rizika i izradu kriznog plana, isti po potrebi mijenja, upozna zaposlene sa kriznim planom i Uputstvom o organizaciji i realizaciji procesa rada, te kontinuirana evaluacija kriznog plana i praćenje implementacije istog. Na osnovu izloženog, riješeno je kao u dispozitivu ovog Rješenja.

PRAVNA POUKA: Protiv ovog Rješenja može se izjaviti žalba Školskom odboru u roku od osam (8) dana od dana prijema istog.



v.d.direktor:

Čupović Faruk dipl.ing.maš.

Dostavljeno:
1.Imenovanim
2.a/a



Broj: 01-3-1619
Sarajevo, 13.09.2021. godine

KRIZNI PLAN PRIPRAVNOSTI MJERE U VEZI SA PREVENCIJOM ŠIRENJA BOLESTI COVID 19

1. Obavezuju se svi **radnici, učenici i roditelji** učenika JU Srednja mašinska tehnička škola Sarajevo (u daljem tekstu: Škola), da se pridržavaju preporuka za škole u kontekstu COVID-19 za školsku 2021/2022. godinu izdate od JU Zavoda za javno zdravstvo FBiH od avgusta 2021. godine, Priručnika za organizaciju i realizaciju odgojno-obrazovnog procesa u okolnostima pandemije COVID-19 izdat od Ministarstva za odgoj i obrazovanje Kantona Sarajevo od jula 2021. godine, zatim naredbi, mjera i zaključaka Vlade Kantona Sarajevo, kao i uputa iz ovog plana.
2. Sve osobe koje ulaze u prostor Škole dužne su:
 - Prilikom ulaska u Školu kao i tokom boravka u zatvorenom prostoru Škole nositi zaštitnu masku preko usta i nosa (izuzetak su djeca mlađa od šest godina, osobe koje imaju probleme sa disanjem zbog hroničnih bolesti, ili koja ne mogu skinuti masku bez pomoći druge osobe, kao što su osobe sa intelektualnim poteškoćama ili smetnjama u razvoju, zatim osobe sa oštećenjem sluha kao i učenici za vrijeme realizacije nastave iz predmeta Sport),
 - Na samom ulazu u Školu izvršiti dezinfekciju ruku dezinfekcionim sredstvom pripremljenim za tu namjenu, postavljenim na vidno označenom mjestu,
 - Dezinficirati obuću na pripremljenom dezinfekcionom gazištu vidno postavljenom na označenom mjestu na ulazu u Školu,
 - Prilikom boravka u prostoru Škole kod kihanja i kašljanja prekriti lice nadlakticom,
 - Držati fizičku distancu od najmanje 1 metar od druge osobe.
3. Mali odmor traje 5 minuta, a veliki odmor 15 minuta. Učenici male odmore provode u kabinetu u kojem prate nastavu. Izlazak učenika iz kabineta, za vrijeme trajanja velikog odmora, je dozvoljen isključivo uz strogo poštivanje važećih epidemioloških mjera i preporuka. Za vrijeme trajanja velikog odmora, dežurni nastavnici i učenici-redari su dužni izvršiti provjetravanje učionica, kao i provesti neophodne higijensko-epidemiološke mjere.
4. Nastava se odvija u jednoj učionici za jedno odjeljenje, ali je moguće za pojedine predmete organizirati kabinetsku nastavu poštujući plan kretanja. Kada odjeljenje



- napusti kabine isti je potrebno očistiti, prozračiti i dezinficirati kontaktne površine.
5. Nastava iz predmeta Tjelesni i zdravstveni odgoj realizira se u sali, a kada je to moguće nastava se može održati na otvorenom. Obavezno je poštivanje higijensko-epidemioloških mjera u svlačionicama kao i za vrijeme izvođenja nastave iz predmeta Tjelesni i zdravstveni odgoj.
 6. Školska biblioteka stoji na raspolaganju svim učenicima uz strogo pridržavanje higijensko-epidemioloških mjera i bez zadržavanja u prostorijama biblioteke.
 7. Sjednice stručnih organa kao i sastanci sa Vijećem roditelja/Vijećem učenika, roditeljski i informativni sastanci održavaju se online. Škola može održavati prethodno navedene sjednice uživo u svojim prostorijama u skladu sa preporukama i smjernicama kriznih štabova u pogledu dozvoljenog broja osoba u zatvorenom prostoru.
 8. Nastavnici održavaju komunikaciju sa roditeljima na informativnim i konsultativnim online sastancima, dok razrednik održava informativne sastanke najmanje jednom u dvije sedmice. Roditelji mogu tražiti dodatne termine za informacije i konsultacije s tim da je potrebno dolazak roditelja/staratelja u prostorije Škole svesti na razumnu mjeru.
 9. **Radnicima, roditeljima i strankama** na ulazu dežurna osoba mjeri tjelesnu temperaturu. Osobama koje imaju povišenu tjelesnu temperaturu zabranjuje se ulazak u prostor škole.
 10. Zabranjuje se ulazak osobama koje imaju simptome koji ukazuju na zarazu ili su pozitivni na COVID-19.
 11. U slučaju pojave ili razvoja nekih od simptoma zaraze COVID-19, kao što je povišena temperatura, kašalj, gubitak mirisa i okusa, problemi i komplikacije respiratornih organa, kao i gastrointestinalni simptomi (mučnina, povraćanje, dijareja) **radnik** je dužan odmah, bez odlaganja, izolovati se, kontaktirati nadležnog ljekara opće prakse/epidemiologa i o istom obavijestiti direktora Škole – pisanim putem (mail).
Radnici koji su angažovani na poslovima dežure/održavanja Škole obavezni su o naprijed navedenom obavijestiti neposrednog rukovodioca – direktora Škole (telefonskim putem).
- Prije pribavljanja konačnog mišljenja nadležne zdravstvene institucije o zdravstvenom stanju zaraženog radnika, radnik ne dolazi u prostor škole. O rezultatima testiranja i retestiranja radnik je dužan obavijestiti direktora Škole.



12. **Nastavnici, stručni saradnici i drugo osoblje** Škole za vrijeme korištenje odmora, bolovanja ili druge vrste odsustva, dužni su postupati odgovorno i pridržavati se naredbi i preporuka nadležnih institucija koje su na snazi za vrijeme odsustva.
13. Prilikom svakog dolaska u prostorije Škole obavezno je svoj dolazak registrirati na portirnici Škole, a radi eventualno naknadnog epidemiološkog praćenja kontakata u slučaju pojave zaraze COVID-19.
14. Moguće je obezbijediti užinu za učenike u učionicama u kojoj odjeljenje/grupa prati nastavu. Prije, tokom i nakon konzumiranja užine potrebno je provoditi higijensko-epidemiološke mjere.
15. **Radnik** je, u slučaju potvrđivanja zaraze korona virusom, dužan obavijestiti i sve svoje privatne i službene kontakte, sa kojima je imao neposredan kontakt bez maske na udaljenosti manjoj od 1 metar i duže od 15 minuta. Zaražene osobe su infektivne dva dana prije pojave simptoma ili, kod asimptomatskog pozitivnog testa na COVID-19, dva dana prije datuma uzorkovanja.
16. Početkom realizacije nastavnog procesa u učionicama potrebno je voditi računa o sljedećem:
 - Odgovornost **roditelja** je da na dnevnoj bazi kontrolišu tjelesnu temperaturu učenika prije i poslije nastave, te da razrednika putem maila obavijeste o eventualnim slučajevima infekcije COVID-19 u krugu porodice. Razrednik se obavezuje pisanim putem obavijestiti direktora. Obaveza je roditelja da ne šalju učenike u Školu ukoliko imaju bilo kakve simptome COVID-19 infekcije ili sezonske gripe, nego da se jave školskom dispanzeru i zatraže daljnja uputstva za liječenje učenika.
 - Škola zadržava pravo da u svakom momentu izmjeri temperaturu učeniku ukoliko isti pokazuje vanjske manifestacije bolesti ili slabosti organizma.
 - Ukoliko **roditelji** prijave Školi da je porodica/učenik imala kontakt sa zaraženom osobom, učenik se preventivno upućuje na pohađanje online nastave u trajanju od 15 dana.
 - **Roditelji** se obavještavaju da ne dolaze u Školu ukoliko imaju simptome koji upućuju na COVID-19 ili sezonsku gripu (npr. povišena tjelesna temperatura, kašalj, poteškoće u disanju, poremećaj čula mirisa i okusa, gastrointestinalne simptome – mučnina, povraćanje, dijareja), ako im je izrečena mjera samoizolacije ili ako imaju saznanja da su zaraženi sa COVID-19 ili su došli u kontakt sa COVID-19 pozitivnom osobom.
 - **Roditelji** se obavještavaju da ne upućuju dijete u Školu, ako dijete ima simptome koji upućuju na COVID-19 ili sezonsku gripu (npr. povišena tjelesna temperatura, kašalj, poteškoće u disanju, poremećaj čula mirisa i okusa, gastrointestinalne simptome – mučnina, povraćanje, dijareja), ako



- ima izrečenu mjeru samoizolacije ili ako je dijete zaraženo sa COVID-19 ili je došlo u kontakt sa COVID-19 pozitivnom osobom.
- Ukoliko učenik za vrijeme boravka na nastavi u Školi razvije bilo koji od simptoma COVID-19 infekcije ili sezonske gripe, učenika se upućuje u posebnu prostoriju koju odredi direktor Škole, nastavnik kontaktira drugo ovlašteno lice (pedagog, sekretar, direktor, pomoćnik direktora, stručni saradnik) da pozove roditelja/staratelja učenika da odmah dođu po učenika u školu i obrate se nadležnom ljekaru. Do preuzimanja učenika od strane roditelja/staratelja, za učenika se obezbjeđuje briga u školi.
 - **Ukoliko dođe do potvrde COVID-19 infekcije kod učenika ili nastavnika**, ostatak odjeljenja nastavlja raditi po ustaljenom modelu uz nastavak poštivanja svih epidemioloških mjera. S obzirom na zakonsku obavezu poštivanja svih mjera prevencije, smatra se da se nastava može nesmetano odvijati po ustaljenom metodu.
17. U slučaju da rukovodstvo Škole ima bilo kakve epidemiološke sumnje ili dileme prilikom realizacije neposrednog odgojno-obrazovnog procesa u vezi sa infekcijom COVID-19, obavezuje se kontaktirati nadležne Covid ambulante na području Općine Centar za dobijanje smjernica i savjeta za daljnji rad – kontakt telefon **033 292 546**. O provedenim mjerama konsultacija direktor Škole sačinjava službenu zabilješku. Svi radnici se obavezuje da, ukoliko se dese slučajevi infekcija u pojedinim grupama ili kod pojedinih radnika, održavaju situaciju mirnom i staloženom, bez širenja panike unutar školske zajednice, da postupaju po epidemiološkim mjerama i smjernicama. Rukovodstvo Škole se obavezuje da organizaciono obezbijede nastavak daljnjeg školovanja učenicima koji nisu izloženi.
18. Ukoliko nastavnik/stručni saradnik škole oboli od COVID-19 infekcije proces rada se prebacuje na online ako je radnik sposoban za rad od kuće. U suprotnom, direktor Škole u toku trajanja oporavka angažuje stručnu zamjenu.
19. Ukoliko dođe do oboljenja direktora Škole postupa se na sličan način, s tim da direktor u slučaju ozbiljnijeg razvoja oboljenja posebnim rješenjem u skladu sa Zakonom o upravnom postupku FBiH imenuje ovlašteno lice koje zastupa školu u toku oporavka direktora Škole, a najduže na mjesec dana.
20. Nalaže se pojačana higijena prostorija Škole koje su u upotrebi, kao i često provjetravanje istih. Sredstva za dezinfekciju ruku obavezna su u svim prostorijama u kojima boravi više od 5 osoba, a gdje nije dostupna tekuća voda i sapun.
21. Strogo se zabranjuje neracionalno i nesvršishodno trošenje sredstava za higijenu i dezinfekciju. Svako neprikladno ponašanje učenika kod upotrebe sapuna i



sredstava za dezinfekciju smatrat će se povredom učeničkih dužnosti koja za posljedicu može imati izricanje odgojno-disciplinske mjere.

22. Domar Škole dužan je voditi evidenciju trošenja sredstava i pomagala za održavanje higijene i dezinfekciju, te kontinuirano obavještavati o istome rukovodstvo Škole.
23. Direktor imenuje operativni tim za praćenje provođenja Kriznog plana.
24. Nastavnik je obavezan za vrijeme održavanja časa u školi osigurati primjenu epidemioloških mjera i smjernica iz Kriznog plana.
25. Nepridržavanje mjera iz Kriznog plana povlači disciplinsku i krivičnu odgovornost.
26. Škola će pratiti naredbe, upute, mjere i zaključke nadležnih institucija, kao i Ministarstva za odgoj i obrazovanje Kantona Sarajevo, u skladu s kojima će se vršiti izmjene i dopune ovog plana.

Dostaviti:

1. Oglasna ploča x2
2. Web stranica

